



22060253

**SESOTHO A1 – HIGHER LEVEL – PAPER 1**  
**SOTHO A1 – NIVEAU SUPÉRIEUR – ÉPREUVE 1**  
**SESOTHO A1 – NIVEL SUPERIOR – PRUEBA 1**

Monday 22 May 2006 (morning)  
Lundi 22 mai 2006 (matin)  
Lunes 22 de mayo de 2006 (mañana)

2 hours / 2 heures / 2 horas

---

**INSTRUCTIONS TO CANDIDATES**

- Do not open this examination paper until instructed to do so.
- Write a commentary on one passage only.

**INSTRUCTIONS DESTINÉES AUX CANDIDATS**

- N'ouvrez pas cette épreuve avant d'y être autorisé(e).
- Rédigez un commentaire sur un seul des passages.

**INSTRUCCIONES PARA LOS ALUMNOS**

- No abra esta prueba hasta que se lo autoricen.
- Escriba un comentario sobre un solo fragmento.

*Ntša maikutlo a hau holim'a e 'ngoe ea liqotsulo tsena.*

1. (a)

“M’e phofo ha e eo, joale ‘na ha ke tsebe hore ke pheha eng ha e le mona bo-Tiisetso ba re bona ba batla papa.”

5 “Ao Litsietsi ngoan’aka, u mpoella hore phofo eo ke fihlileng ka eona maobane e felile? Basali ke bona hantle hore ke tla be ke hlatse mali ke ho sebetsa ka thata. Litsietsi bolella bana bano ba bulele litonki.” Hoba Litsietsi a tsoe a sala a ingama-ngama ka ‘mele oa hae o bohloko hoo a sa ikutloeng eka o tla tseba ho hlaolela phofo.

A iqeka hore a mpe a ipehe ho ea matla ‘ohle. O anetse ho re feela: “Ntate Ea Matla ‘Ohle, Uena ea tsebang litsietsi tsa ka ...” eaba mehopolo ea khelekhetha, ea mo lahlela bocheng ba hae ha e sa le Thato moithuti N.U.L. a lula Africa G4. Selemo a le ho sa bobeli sa lithuto tsa botichere.

10 ‘Matiisetso a ipona e le tsoere, a eme ka litlhako. A ipona ha e ne e le molleloa, a bolaea bara ba batho ka lefu le sehloho, lefu la pelo ea lerato. A boela a ipona ha a se a ratana le Thetso, mohlankana oa Lesoatsi, ea neng a le selemong sa ho qetela sa lithuto tsa mahlale.

‘Matiisetso a hopola le ho utloa e ka a a phela mantsoe a Thetso ha a ne a mo tšepisa lenyalo, le kamoo ba tlang ho phela bophelo bo monate ha ba se ba kene lenyalong. Ka oona motsotso oo a

15 utloa ‘mele oa hae o shoa bohatsu ha a hopola karabo eo Thetso a neng a mo arabe ka eona ha a mo tlalehela hore ha a bone linako tsa hae. Eaka hoja Thetso a le haufi mona ha a re: “Thato u moqhaka oa tseba! U ne u hopotse eng ha u sa itšireletse? Ngoana eo u mo lebeletseng u hopola ho etsa eng ka eena? Tseba hore ‘na ha kea tlela ho tla ba ntat’a bana Roma mona, ke tletse ho tla fumana degree tsa ka, haeba uena u tletse ho tla ba motsoali u se u tla bona ka ho feta. Nxa.” E ba

20 oa mo furalla, o mo furalletse ruri.

Eare a sa lutse a pulufaletsoe, a utloa lerata la bana kantle le mo rutang hore ntat’a bona Moahloli oa fihla. A kena Moahloli a botsa hore na molato ke ofe ha a ntse a robetse, a khohletse le mahlo. ‘Matiisetso a ‘molella hore ba na le likhoeli tse tharo ba robala le tlala, kahoo o ile a iphumana a tlameha ho hlaolela phofo.

25 Moahloli: “Feela ua tseba hore le uena u moiketsi ea sa lleloeng, bana ba bangata baa u ne u ba etsetsang ha e le moo ba e-ja hakaale? Ha u oa ba bolaea joaloka eloa eo u neng u ‘molaee Roma koa ke eng?” A rialo a tsoa monyako.

Ke ‘nete hore o ne a bolae le ho lahlela lesea la bona le Thetso ntloaneng. A hopola ha a ne a fumanoa hore ke eena ea lahletseng lesea ntloaneng. A hopola ha mapolesa a mo pepisa setotsoana sa lesea, a mo isa Netherlands Hall hore a e’o bolella baithuti hore ke ‘molai oa mali a hae, le

30 hore a elellisoe banana bobbe ba ho kena thobalanong pele ho lenyalo. A ipona ha a qeta letsatsi a eme pel’a lebenkele la Ha Thorn, a ntse a pepisitsoe setotsoana ho thoe a bolelle bohle ba tlang lebenkeleng molato oa hae.

Khoboko M. *Le Uena ke tsa Hau* 2005

1. (b)

**Keiting ea Lihele**

- Ka fumana keiting merabe ho fapana,  
Ka fumana terese e le mokoloko,  
Botšo, bosoeu ho kopakane,  
Barui le lintja ho se ho khetha,  
5 Ka ba ka checha ho rera ke sa rera,  
Ka rata ho checha mpa ke bitsitsoe.
- Ho bokanetsoeng chaba li sutulitse,  
Li sututsana sa nku li tseka letsoai?  
Utloa keiting mabalane ho khobolaka,  
10 Mona liheleng ho robellane,  
O khobolaka a sa khethe, ngoan'a lihele.  
Ho robellane merabe e se ho fapana.
- Pele mane ho eme litjaka bongata,  
Mabalane o ntsa li hoa a omana,  
15 A re le chabile la lihele kajeno,  
Ho cha morui ho che mohloki  
Ho che le ba thapelo baloki,  
Bona ba sa kang ba bona Sefapano hantle.
- Ka talima pele ka tšoha ho feta,  
20 Ka bona majakane ho hoebeshana.  
Majakane le batlang keiting ea timelo,  
Le batlang fatšeng lena le le baloki?  
Jo lefu-leholo monyakeng oa lihele!  
Ho cha le ba lokileng ho a tšabeha.
- 25 Ke mang tereseng ea binang lifela?  
Ke moholo o bina haholo,  
O bina temana a sa li qete,  
A habanya eka fela se a fetola,  
Se fetole pelo ea Ralihele, morena,  
30 Morena ea batlang ba hae ka hohle.

Ntsane K.E. *'Musa-Pelo II* 1962